

發明切正

蜂窠

蜂窠

蜜蠟

露蜂房

蟲白蠟

五倍子

百藥煎

螳螂

附桑  
蝶蛸

白殭蠶

螻蛄

原蠶 附沙

班蝥

蜘蛛

壁錢

蠹

水蛭

蛆

蟬蛻

蟋蟀

蜚蠊

蟬

附蟬  
蛻

蜈蚣

蚯蚓

蝸牛

緣桑蠶

蠶

蟲

蠱

金蠶

虬  
虫  
虫

魚部

龍

空岸 鯨鯢

蛤蚧

蛇蛻

蟠蛇

白花蛇

烏蛇

鯉魚

青魚

石首魚

勒魚

鱗魚

鮐魚

嘉魚

鯽魚

魴魚

鱸魚

鰱魚

鯊魚

銀魚

鱧魚

即烏魚

鰻鱺魚

鱒魚

鱖魚

鮫魚

河豚

烏賊魚

附海蝶蛸

海蛇

鰐

海蠍

海馬

魚鱗

介部

水龜

鱉

蟹

牡蠣

蚌

蜆

真珠

石決明

海蛤

蛤蜊

魁蛤

貝子

淡菜

海贏

山贏

蝸贏

爛殼

禽部

鷓鴣

鴛

鴈

鶩

鳧 即野鴨  
鷓鴣

鷓鴣

鷄 附子

雉

鶉 俗名鶉

鴝

雀

伏翼

即蝙蝠附天鼠屎

寒號蟲

即五靈脂

獸部

豕

狗

羊

牛

馬

驢

酪

酥

醍醐

阿膠

黃明膠

牛黃

虎骨

象

犀

熊

羚羊角

鹿 角膠

麋

麝

兔

春狗

敗筆

鼠

水獺

狷

膾炙獸

海

本草

盱江

張三錫

纂

金壇

王肯堂

校

蟲部

蜂蜜

時珍曰

按本經云石蜜生諸山石中色白如

膏者良則是蜜取山石者為勝矣蘇恭不攷山

石字因乳糖同名而欲去石字寇氏不知真蜜

有白沙而偽蜜稀黃但以新久立說並誤矣凡

試蜜以燒紅火筋插入提出起氣是真起煙是

僞

修治

時珍曰

凡煉沙蜜每斤入水四兩銀石器內

以桑柴火慢煉掠去浮沫至滴水成珠不散乃用謂之水火煉法又法以器盛置重湯中煮一日候滴水不散取用亦佳且不傷火也

氣味

甘平無毒

時珍曰

蜂蜜生涼熟溫不冷不燥

得中和之氣故十二臟腑之病固不宜之但多食亦生濕熱蟲慝小兒尤當戒之王克論衡云蜂蠆與太陽火氣而生故毒在尾蜜爲蜂液

多則令人毒不可不知煉過則無毒矣宗爽曰蜜

雖無毒多食亦生諸風也朱震曰蜜喜入脾西北

高燥故人食之有益東南卑濕多食則害生於

脾也思邈曰七月勿食生蜜令人暴下霍亂青赤

酸者食之心煩不可與生葱薑苣同食令人利

下食蜜飽後不可食鮓令人暴亡

**主治**和營衛潤臟腑通三焦調脾胃

**發明**時珍曰蜂采無毒之花釀以大便而成蜜所

謂臭腐生神竒也其入藥之功有五清熱也補



中也解毒也、潤燥也、止痛也、生則性涼、故能清  
熱、熟則性溫、故能補中、甘而和平、故能解毒、柔  
而濡澤、故能潤燥、緩可以去急、故能止心腹肌  
肉瘡瘍之痛、和可以致中、故能調和百藥、而與  
甘草同功、張仲景治陽明結燥、大便不通、蜜煎  
導法、誠千古神方也、日說但凡覺有熱、四肢不和、  
卽服蜜漿一椀、甚良、又點目中熱膜、以家養白  
蜜爲上、木蜜次之、崖蜜更次之也、與薑汁熬煉

濟癩其效

蜜蠟

集解

時珍曰

蠟乃蜜脾底也取蜜後煉過濾入水

中候凝取之色黃者俗名黃蠟煎煉極淨色白

者為白蠟非新則白而久則黃也與今時所用

蟲造白蠟不同

氣味甘微溫無毒

發明

時珍曰

蜜成於蠟而萬物之至味莫甘於蜜

莫淡於蠟得非厚於此必薄於彼耶蜜之氣味

俱厚屬乎陰也故養脾蠟之氣味俱薄屬乎陽

也。故養胃厚者味甘而性緩質柔，故潤臟腑薄者味淡而性瀋質堅，故止洩痢。張仲景治痢有調氣飲，千金方治痢有膠蠟湯，其效甚捷。蓋有見於此歟。又華陀治老少下痢，食入卽吐，用白蠟方寸七，鷄子黃一個，石蜜苦酒，髮灰，黃連末，各半，鷄子殼，先煎蜜蠟苦酒，鷄子四味，令勻，乃納連髮，熬至可丸，乃止。二日服，蓋神效無比也。此方用之屢經效驗，乃知本經王下痢膿血之言，深當膺服也。

露蜂房

集解

時珍曰

革蜂乃山中大黃蜂也其房有重重

如樓臺者石蜂草蜂尋常所見蜂也獨蜂俗名

七里蜂者是矣其毒最猛

修治

大明曰

入藥並炙用

氣味苦平有毒

主治

大明曰

煎水漱牙齒止風蟲疼痛又洗乳癰

蜂疔惡瘡

發明

時珍曰

露蜂房陽明藥也外科齒科及他病

用之者亦皆取其以毒攻毒兼殺蟲之功焉耳

風蟲牙痛

蟲白蠟

氣味甘溫無毒

發明

震亨

白蠟屬金稟受收斂堅強之氣為外

科要藥與合歡皮同入長肌肉膏中用之神效

但未試其可服否也時珍蠟樹葉亦治瘡腫故

白蠟為外科要藥正如桑螵蛸與桑木之氣相

通也

五倍子

釋名法釀過名百藥煎

氣味酸平無毒

主治

宗奭

口瘡擦之便可飲食歛肺降火化痰

飲止欬嗽消渴盜汗嘔吐失血久痢黃病心腹  
痛小兒夜啼烏鬚髮治眼赤濕爛消腫毒喉痺  
歛潰瘡金瘡收脫肛子腸墜下

發明

震亨

五倍子屬金與水擒之善收頑痰解

熱毒佐他藥尤良黃昏欬嗽乃火氣浮入肺中

不宜用涼藥宜五倍五味歛而降之時珍曰鹽麩

子及木葉皆酸鹹寒涼能除痰飲咳嗽生津止

渴解熱毒酒毒治喉痺下血血痢諸病五倍子

乃蟲食其津液結成者故所主治與之同功其

味酸鹹能歛肺止血化痰止渴收汗其氣寒能

散熱毒瘡腫其性收能除泄痢濕爛自汗盜汗

滑痢不止大腸痔疾脫肛不收下部痔瘡一切

腫毒小兒脫肛

百藥煎

修治

時珍曰

用五倍子為粗末，每一斤以真茶一

兩煎濃汁，入醪糟四兩，搗爛拌和，器盛，置糠缸

中窖之，待發起如發麪狀，即成矣，捏作餅，丸，晒

乾用

嘉謨曰

入藥者，五倍子鮮者十斤，春細，用瓷

缸盛，稻草蓋，會七日夜，取出，再搗入桔梗、甘草

末，各二兩，又會一七，仍搗，仍會七次，取出，捏餅

晒乾用，如無鮮者，用乾者，水漬為之。

氣味 酸鹹微甘，無毒。

主治 清肺化痰，定嗽解熱，生津止渴，收濕消瀉。



鳥鬚髮止下血久齒脫肚牙齒宜蠶而鼻痔蝕  
口舌糜爛風濕諸瘡

發明

時珍曰

百藥煎功與五倍子不異但經釀造

其體輕虛其性浮收且味帶餘甘治上焦心肺  
欬嗽痰飲熱渴諸病含嚙尤為相宜歛肺切嗽  
定嗽化痰清氣化痰牙齦痔蝕腸風下血消暑  
止渴

螳螂桑螵蛸

集解

時珍曰

螳螂驤若日奮臂修頸大腹二手四足

善緣而捷、以鬚代鼻、喜食人髮、能翳葉捕蟬、或云術家取翳作法、可以引形、深秋乳子作房、粘着枝上、卽蝶蛸也、房長寸許、大如拇指、其內重重有膈房、每房有子如蛆卵、至芒種節後、一齊出、故月令有云、仲夏螳螂生也。

**修治**

別錄曰

桑蝶蛸生桑枝上、螳螂子也、二月三

月采、蒸過、火灸用、不爾令人洩、

**發明**

時珍曰

螳螂古方不見用者、惟普濟方治驚

風吹鼻、定搐法中用之、蓋亦蚕蠶定搐之義、古

方風藥多用螬蛸則螳螂治風同一理也又醫  
林集要出箭鏃亦用之

桑螬蛸氣味甘平無毒

主治

別錄曰

遺溺久服益氣養神

甄權曰

炮熱空心

食之止小便利

發明

時珍曰

桑螬蛸肝腎命門藥也古方盛用之

宗奭曰

男女虛損腎衰陽痿夢中失精遺溺白濁

疝瘕不可闕也隣家一男子小便日數十次如

稠米泔心神恍惚瘦瘁食減得之女勞令服桑

蝶蛸散藥未終一劑而愈其益不安神魂定心志  
治健忘補心氣止小便數用米蝶蛸遠志龍骨  
菖蒲人參茯苓神當歸龜甲醋炙各一兩爲末臥  
時人參湯調下二錢如無桑上者卽用他樹者  
以炙桑白皮佐之桑白皮行水以接蝶蛸就腎  
經也

白蠶

修治

曰凡使先以糯米泔浸一日待蠶桑涎出

如蠟涎浮水上然後灑出微火焙乾以布拭淨

黃肉毛并黑口甲了搗篩如粉入藥

氣味鹹辛平無毒

王治

本經

小兒驚癇夜啼去三蟲滅黑黯令人面

色好男子陰癢病

別錄

女子崩中赤白產後腹痛

滅諸瘡癥痕為末封疔腫拔根極效

藥性

治口噤

痰汗同白魚鷹屎白等分治瘡滅痕

日華

以七枚

為末酒服治中風失音并一切風症小兒客忤

男子陰癢痛女子帶下

蘇頌

焙研薑汁調灌治中

風喉痺欲絕下喉立愈

時珍

散風痰結核瘰癧頭

風風蟲齒痛皮膚風疹丹毒作瘡痰瘧癥癥結婦  
人乳汁不通崩中下血小兒疳蝕鱗體一切金

瘡疔腫風痔

發明

元素

曰 殭蠶性微温味微辛氣味俱薄輕浮

而升陽中之陽故能去皮膚諸風如蟲行

震亨

殭蠶屬火兼土與金木老得金氣殭而不化治

喉痺者取其清化之氣從治相火散濁逆結滯

之痰也

王

凡咽喉腫痛及喉痺用此下咽立

愈無不效也大能救人吳开內翰云屢用得效

時珍曰 蠶蠶蠶之病風者也治風化痰散結行經

所謂因其氣相盛而以意使之者也又人指甲

軟薄者用此燒煙熏之則厚亦是此義蓋厥陰

陽明之藥故又治諸血病瘡病疔病也風痰喘

嗽喉風喉痺腹內龜病粉滓而野重舌木舌

蠶蠶思魏曰 獬犬啣者終身忌食發則難免

蠶蠶已出者

氣味甘溫無毒

主治時珍曰 燒灰酒服治癰腫無頭次日即破又

療諸疳瘡及下血血淋血崩煮汁飲止消渴反  
胃除虵蟲

發明

日 賜 珍

蠶繭方書多用而諸本草並不

及誠缺文也近世用治癰疽代鈇用一枚即出  
一頭二枚即出二頭神效無比煮湯治消渴古  
方甚稱之丹溪朱氏言此物屬火有陰之用能  
瀉膀胱中相火引清氣上朝於目故能止渴也  
繅絲湯及絲綿煮汁功並相同又黃絲絹能補  
浮錦灰止血並見服器部痘瘡疔腫膿水不止



用白礬末填繭中，燒灰搽。

繅絲湯主治時珍曰止消渴大驗。

原蠶

雄原蠶蛾

氣味鹹溫有小毒

發明時珍曰蠶蛾性淫，出繭即媾，至於枯稿乃已。

故強陰益精用之，丈夫陰痿，小兒口瘡。

原蠶沙

氣味其辛溫無毒

發明

時珍曰

蠶屬火其性燥燥能勝風去濕故蠶

沙主療風濕之病有人病風痺用此製法得效  
按陳氏經驗方一抹膏治爛弦風眼以真麻油  
浸蠶沙二三宿研細以篋子塗患處不問新舊  
隔宿卽愈表兄盧少樊患此用之而愈親筆于  
冊也時珍家一婢病此十餘年式用之二三次  
頓瘳其功亦在去風收濕也又同桑柴灰淋汁  
煮蠶肉作丸治腹中癥結見蠶條李九華云蠶  
沙煮酒色味清美又能療疾半身不遂用二斗

入袋中蒸更互熨患處風瘙癢疹用三升煎湯浴妙

斑蝥 氣味辛寒有毒

發明 時珍曰 斑蝥人獲得之尾後惡氣射出臭不可聞故其入藥亦專主走下竅直至精溺之處

蝕下敗物痛不可當葛氏云凡用斑蝥取其利小便引藥行氣以毒攻毒是矣楊登甫云癰癧

之毒莫不有根大抵以斑蝥地膽為主制度如

法能使其根從小便中出或如粉片或如血塊

或如爛肉皆其驗也。但毒行小便必澀痛不可當。以木通滑石燈心輩導之。又葛洪肘后方云：席辯刺史傳云：凡中蠱毒用斑蝥蟲四枚，去翅足炙熟，桃皮五月初五日採取，去黑皮陰乾，大戟去骨各爲末，如斑蝥一分二味各用二分合和棗核大以米清服之，必吐出蠱，一服不瘥，十日更服。此蠱洪州最多，有老嫗解療之，一人獲縑二十疋，秘方不傳。後有子孫犯法，黃華公若千則時爲都督因而得之也。血疝便毒不拘已

成未成、斑蝥三個、去翅足、炒滑石二錢、同研分  
三次、空心白湯下、毒從小便出、如痛用車前木  
通澤瀉、猪苓煎湯、名破毒飲、神効。

蜘蛛

氣味微寒、有毒

主治截瘡、方用大蜘蛛三枚、信砒一錢、雄黑豆  
四十九粒、爲末、滴水爲丸、豌豆大、先夜以一丸  
獻北斗下、次早紙裏插耳內、立見神聖、一丸可  
醫二人。

壁錢

集解

時珍曰

大如蜘蛛

而形扁斑色八足而長亦

時蛻殼其膜色光白

如繭或云其蟲有毒咬人

至死惟以桑柴灰前

取汁調白礬末傳之妙

氣味無毒

蠹

集解

時珍曰

蠹形如水

龜八足而長尾有節色青

今補者多以鹽泥食之入藥去足焙用古今錄

驗云被蠹螫者但以木椀合之神驗不傳之方

也

氣味甘辛平有毒

發明

宗奭曰

大人小兒通用驚風尤不可闕頌曰古

今治中風抽掣及小兒驚搐方多用之篋中方

治小兒風癰有方

時珍曰

蠶產於東方色青屬木

足厥陰經藥也故治厥陰諸病諸風掉眩搐掣  
瘧疾寒熱耳聾無聞皆屬厥陰風木故東垣李  
杲云凡疝氣帶下皆屬於風蠶乃治風要藥俱  
宜加而用之

水蛭